

ORATIO
DE
INTEREVNTIS
IVRISPRVDENTIAE HVMANIORIS
CAVSSIS
SOLLEMNIBVS MVNERIS AVSPICIIS
A. D. XXV OCTOBR. A. C. CLCCLXXXVI
IN AVDITORIO IVRISCONSVLTORVM
RECITATA
A
CHRIST. GOTTL. RICHTERO
IVRISCONSVLTO ET ANTECESSORE

LIPSIAE
EX OFFICINA KLAUBARTHIA

Diss. jur. civ.

7,22

Diss. Jur. Civ. vol. 3.

30

ЗАГИВШИЕ ГИ

2123VAD

QVINQVE VIRIS
ILLVSTRISSIMIS ATQVE EXCELLENTISSIMIS
SERENISSIMI DVCIS ELECTORIS SAXONIAE
IN SACRO CONSISTORIO
COMITIBVS
ACADEMIARVM SAXONICARVM
CVRATORIBVS SAPIENTISSIMIS
CVM
OMNIVM LIBERALIVM ARTIVM
ET
ELEGANTIORVM LITTERARVM
TVM
HUMANIORIS IVRIS PRUDENTIAE
FAVTORIBVS AC PATRONIS
INDVLGENTISSIMIS
ORATIONEM HANC IN AVGVRalem
MAXIMA REVERENTIA
ET VERA DEVOTI ANIMI PIETATE
D. D. D.
CHRIST. GOTTL. RICHTERVS

EVANGELIUM

O R A T I O
D E
INTEREVNTIS
IVRISPRVDENTIAE HVMANIORIS
C A V S S I S

Illuxit tandem aliquando ille dies, Rector Academiae
Magnificé, Viri Summe Venerandi, Illustres, Ex-
cellentissimi, Consultissimi, Experientissimi, Amplif-
simi, Clarissimi, diuinorum humanarumque litterarum
Doctores Celeberrimi, Auditores suis quisque meritis
atque dignitatibus Ornatissimi, Commilitones generis no-
bili-

bilitate, ingenii humanitatisque laude Florentissimi, post integri triennii, ab acceptis Indulgentissimi Principis codicillis, et subsecuta paullo post sollemni inauguratione,^{a)} interuallum atque cunctationem, post varios, quos deinceps domi expertus sum, casus, fortunaeque vicissitudines atque ludibria, vt rerum humanarum nimis fluxa est fragilisque conditio, post vanas atque inanies, quibus foris aliquoties sum lactatus, spes, vt incerti saepe sunt exitus, ac flexibles hominum voluntates, illuxit, inquam, dies, mihi quidem gratus atque exoptatus, dicerem, iucundus, nisi id verbum in omne tempus perdidisset, (praesertim tanto academiae nostrae, et vniuersae ciuitatis litteratae lumine hodie primo mane extinto, Frid. Imman. Schwarzio, quem ego puer olim in illustri schola Grimmana fidelissimum praceptorum, ac postero tempore usque ad extremum spiritum mei amantissimum habui,

a) Rescriptum, quo Serenissimus Dux Elector munus antecessoris extra numerum clementissime in me contulit, datum est a. d. XXVI. Mai. A. C. I. C. C. L. LXXXIII. Quo accepto publicatoque, deinde fidem meam de studiis patriae mancipandis, quod ante sollemnia munieris adeundi apud iurisconsultos moris est, per litteras manu mea,

loco iurisiurandi, subscriptas obstrinxi a. d. V. Iul. eiusdem anni. Tandem, post duorum mensium absentiam redux, a. d. VI. Septembr. praestito sollemni religiosis iureiurando, in confessu Illustris Iurisconsultorum Ordinis ad nouum munus rite sum inaugurus.

bui, rebus humanis erepto^{b)}) quo mihi, homini licet quadragenario, et cui academico quintum iam lustrum videnti, et doctori quatuordecim fere annos ius priuatim profitenti, haec obtingit felicitas, ut possim munus antecessoris, Serenissimi Principis Electoris auctoritate, in hac alma litterarum vniuersitate extra ordinem fidei meae ac qualicumque dexteritati clementissime commissum, more institutoque maiorum, Vobis tanta frequentia, tamque splendido confessu laetis me faustisque omnibus benignissime prosequentibus, casta piaque mente auspicari. In quo quidem munere, amplissimo sane atque grauissimo, mihi demandando viri illi, excuso atque illustri loco constituti, quibus academiae nostrae cura a Principe est concreta, hoc potissimum videntur spectasse, ut tum docendo, tum scribendo pro virili aliquid conferre adlaborarem ad propagandam ornandamque iurisprudentiam humaniorem, qua, exemplo antecessorum superioribus saeculis in Francogallicis academiis celeberrimorum, Cuiaciorum, Contiorum, Merilliorum, et aliorum huius generis, et apud Batauos Noodtiorum, Schultingiorum, Westenbergiorum, horumque simili-
um,

b) Hanc lamentabilem vocem, cognito demum in conclavi, vbi ante orationem proceres vtriusque reipublicae conueniunt, optimi

praeceptoris obitu, de quo antea nondum audieram, acerbissimus, qui inuasit animum, dolor mihi expressit.

VIII

um, exulta a multis inde annis Musae Lipsienses iure suo gloriantur. Atque hanc eximiam laudem ac praecipuam gloriam, a temporibus Mich. Henr. Gribneri,^{c)} Illustris Iurisconsultorum Ordinis quondam praefidis ordinarii, et fugientium e scholis iurisprudentiae humaniorum litterarum statoris felicissimi, maxime deriuandam, ac postea saluberrima Io. Matth. Gesneri,^{d)} et Io. Aug.

Erne-

c) Gribnerus, primum in academia Wittebergensi antecessor, post sanctiori tabulario Dresdae praefectus, Lud. Menkenio, vitrico suo, datus est successor A. c. 1726. Cuius viri vere magni, et longiore vita digni memoriam Car. Ferd. Hommelius *Orat. inaug. de Ordinariis Facultatis Iuridicae Lipsiensis p. 41. seq. edit. II. Lips. 1767. 8.* celebrauit hoc modo: *Gribnerus suo exemplo illam nimis rudem ac sordidam stolidioris turbae opinionem satis refutauit, iurisconsultum pragmaticum non posse litteratum esse. Vix enim in alio maior iuris, praesertim publici, aliarumque artium cognitio, vix acrior pulchri sensus. Nostis adhuc, et meministis bene, bibli-*

*thecam ab eo optimis et elegantioris potissimum litteraturae operibus cumulatissimam instruclam fuisse, atque inde euensis, ut ab his magistris, mortuis quidem, nec tamen mutis, quantum distent aera lupinis, addisceret, et diligens ingeniorum scrutator doctos, qui vere sunt, ab iis qui putantur, probe discerneret. Ceterum de hoc incomparabili iurisconsulto vide, praeter Car. Ott. Rechenbergii *Orationem parentalem Manibus Gribnerianis sacram Lips. 1735. fol.* Gottl. Aug. Ienichenii *Elogium Mich. Henr. Gribneri, in Contin. Notit. Aust. Iurid. Georg. Beyeri Lips. 1738. 8. p. 153. seqq.**

d) Gesnerus, ab Amplissimo huius urbis Senatu ad scholam

Tho-

Ernesti e) disciplina magis magisque auctam atque amplificatam, etiam nunc sunt, qui non dicam ore ac viua voce, sed scriptis ac tacita quasi disciplina constantissime tueantur, et posteris quoque tradere omni studio animique contentione enitantur. At enim neque omnes, neque in omnibus Germaniae academiis, qui studiosae iuventuti ad descendam iuris scientiam facem praferre conantur, ad masculae et liberalis iurisprudentiae laudem

recta

Thomanam regundam vocatus, Lipsiam venit mense Septembri A. cI9IccXXX. Cuius aduentu quanta commutatio tradendae apud nos humanitatis disciplinae facta sit, testis huius rei locupletissimus, Ernesti Narrat. de Io. Matth. Gesnero ad Dau. Ruhnkenium, Opusc. Orat. p. 476. seq. edit. II. Lugd. B. 1767. 8. memoriae prodidit his verbis: *Nec minus dixerim meritum de litteris vniuersis. Nam profecto etiam rectius ac melius de litteris humanioribus, earumque vera et iusta scientia, et latine scribendi facultate, iudicare, nostros homines coepit docere. Quae res ei etiam inuidiam apud nonnullos contraxit, qui cum in his litteris ante crediti*

essent excellere, eo cognito, magnam pristinæ de se opinionis deminutionem factam sentiebant.

e) Egregiam disciplinae Ernestianaæ, cui Lipsia laetum humiorum iurisconsultorum prouentum debet, indolem breuiter sed eleganter, vt solet, descriptis Vir Clarissimus mihiq[ue] amicissimus, Aug. Guil. Ernesti *Memoria Io. Aug. Ernesti Lips. 1781. fol. p. VIII. seq.* copiosius vero et ex instituto Car. Lud. Bauerus, scholæ Hirschbergensis Rector celeberrimus, libro singulari, quo *formulae ac disciplinae Ernestianaæ indolem et conditionem veram pulchre et adcurate adumbrauit*, edito *Lips. 1782. 8.*

B

recta via, et nobili mentis ardore grassantur, et viri docti, humaniorumque litterarum amantes de corrupta ac iejuna his nostris temporibus iurisprudentia saepe multumque conqueruntur. Quibus crebris hominum egregie cordatorum querelis equidem commotus apud animum constitui, in causas intereuntis sensim paullatimque iurisprudentiae humanioris inquirere, non omnes quidem, quae commemorari possint ac debeant,^{f)} neque enim hoc mihi, in semihorae curriculum coacto et coangustato, plane exsequi in praesenti licet, et quaedam momenta, quae ad corruptelas istas penitus cognoscendas in primis spectant, adeo lubrica sunt, ut plus cautionis in dicendo, quam in scri-

f) De communibus huius mali causis, a docentium pariter ac discendentium partibus repetendis, iam dudum dixerunt Ger. Noodtius *Diss. de causis corruptae iurisprudentiae*, Tom. I. Oper. p. 616. seqq. edit. Lugd. B. 1735. fol. Io. Gottl. Heineccius *Orat. de Iurisconsultis semidocetis*, Opusc. Var. Syll. Hal. Magd. 1735. 4. p. 519. seqq. Abrah. Wielingius *Orat. II. de Sanctione Pragmatica D. Caroli VI. Imp. edit. II. Trai. ad Rhen. 1743.* 4 p. 34. seqq. Hub. Greg.

Vryhofius *Orat. qua ostenditur, interiorem iuris Romani notitiam in foro versaturis omnino esse necessariam, ad calcem Obseru. Iur. Ciu. Amst. 1747. 8.* et nosmet ipsi iam quaedam de hoc argumento paucis complexi sumus praef. Wielingii *Repetitioni Institutionum Iuris Civilis Lips. 1781. 8.* praemissa, et ad Em. Merillii *Orat. de tempore in studiis iuris prorogando, libello Wielingiano subiunctam, p. 335. seq.*

scribendo adhibendum videatur, sed praecipuas quasdam, et moribus nostris, si quid hoc in genere video, maxime adcommodatas. Quod quidem argumentum, neque sollemnitati noui muneris adeundi alienum, neque honorifica tot litteratissimorum virorum praesentia indignum, neque ab utilitatibus horum lectissimorum iuuenum, qui in spem parentum, propinquorum patriaeque in litterarum studia incumbunt, et in primis adprehendendae iuris disciplinae operam dant, rationibusque remotum, ut mihi, breui oratiuncula non tam plene persequenti, quam leuiter modo delibanti, beniuolas aures mentesque praebeat, a Vobis, Rector Academiae Magnifice, Auditores omnium ordinum atque dignitatum Speciosissimi, Commilitones Generosissimi atque Humanissimi, non quidem multis ambitiosisque precibus contendo, sed potius a Vestro fauore, Vestraque humanitate ac beniuolentia certissime spero atque confido.

Humanior iurisprudentia quae sit, ac iure habeatur, Auditores, profecto non esse puto, quod multis declarerem. Vnus enim quisque, vel audito nomine, iam sua sponte satis intelligit, eam artis nostrae tractandae colendae querationem indicari, quae cum artibus liberalibus, ac disciplinis, quae ad vniuersum politioris humanitatis ambitum pertinent, vinculo indissolubili arctissime nixa sit at-

XII

que copulata. ^g) Iam humanitatis studia quibus finibus regantur, eorumque usus quam late pateat ad ceteras disciplinas omnes adcuratius percipiendas, et fructuosius excolendas, cum ab aliis, iisque praestantissimis nostra patrumque memoria viris, tum in primis a Iac. Perizoneo,^h) Arn. Drakenborchii,ⁱ) et Petr. Burmanno,^k) magnis litterati Belgii luminibus, et a nostro Io. Aug. Ernesti,^l)

g) Dignissimus est, qui de natura et constitutione humanioris siue elegantioris iurisprudentiae legatur humanissimus nuper in fororia academia iurisconsultus, et ordinis sui princeps, Ern. Mart. Chladenius *de ambitu elegantioris iurisprudentiae* Witteb. 1747. hoc nomine iam laudatus Io. Frid. Iuglero *Diff. de insignibus Germanorum in iurisprudentiam elegantiorum meritis*, praemissa Bern. Henr. Reinoldi *Opusc. Jurid.* Lugd. B. 1755. 8. §. I. Confer Christ. Henr. Eckhardum *praef. Hermeneut. Jur.*

h) Perizonius *Orat. de usu atque utilitate Graecae Romanaeque linguae, eloquentiae, historiae, et antiquitatis in grauioribus disciplinis* Lugd. B. 1693. 4. in Clariſſi-

morum Virorum Orationibus Selectis, quas collegit Io. Erh. Kap. pius, et edidit Lips. 1722. 8. P. I. orat. VI. p. 135 — 178. et in Perizonii *Orat. XII.* quas collegit F. G. Westhouius *Lugd. B. 1740. 8. orat. II. p. 51 — 102.*

i) Drakenborchius *Orat. de utilitate et fructu, qui ex humioribus disciplinis in omne hominum et doctrinarum genus redundat* Trai. B. 1716. 4. et in Kappiana collectione *Orat. Select. P. I. orat. VIII. p. 214 — 253.*

k) Burmannus *Orat. in humanitatis studia* Lugd. B. 1720. 4. Lipsiensibus typis eodem anno repetita, et in Kappii *Orat. Select. P. I. orat. X. p. 287 — 333.*

nesti,¹⁾ communi Germaniae praeceptore, satis superque fuit demonstratum. Quibus litteris nisi quis probe imbutus ac praeparatus ad iuris scientiam descendam accesserit, resque arctissimis vinculis coniunctas atque consociatas, id quod e nostratibus complures iam pridem egregie docuerunt,^{m)} contra naturam disiunxerit ac separauerit, is per omnem vitam in recti iustique scientia, ingenua illa atque liberali, spississimis quasi in tenebris ac densissima caligine oberrabit. Qui igitur splendidum iurisconsulti nomen

B 3 ali-

1) Ernesti *Prolus. de finibus humaniorum studiorum regundis Lips. 1738.* redacta in compendium in *Clau. Cic. Ind. Latin. sub voce Humanitas, et Orat. de humanitatis disciplina, Opusc. Orat. p. 3 — 19.*

m) Plerique, qui de vtili ac necessaria humaniorum litterarum cum iurisprudentiae studio coniunctione ex instituto differuerunt, laudati inueniuntur apud Io. Sal. Brunquellum *Diss. prae- lim. de linguarum, philosophiae, antiquitatum, et historiarum studio cum iurisprudentia iungendo, Hist. Iur. Rom. Germ. praemissa §. II. collata eiusdem Isagoge in*

*vniversam iurisprudentiam, Opusc. Hal. Magd. 1774. 8. Tom. II. p. 992. seqq. Quibus adde Iof. Lind. Ern. Puttmanni, Viri Consultissimi, *Prolus. de caeca et illiberali sine arte critica et humanioribus litteris iurisprudentia Lips. 1762. et Var. Opusc. Syll. Lips. 1786. 8. p. 63. seqq. nec non Frid. Platneri Epist. ad Io. Aug. Bachium pro iureconsultis, qui litteras humaniores contemnunt Lips. 1750.* qua quidem, imitatione, opinor, Burmanni in oratione supra laudata, illum lepida dissimulatione usum esse, vix opus est monere.*

XIV

aliqua cum laude vult atque dignitate inter viros doctos tueri, neque apud rudem modo plebeculam, et imperitam multitudinem, citra meritum, ita salutari, is, praeter adcuratam vtriusque linguae cognitionem, sine qua iuris nostri fontes, graecis latinisque litteris perscripti, nec rite intelligi, nec digne explanari queunt, et testem temporum, lucem vitae, historiam, cum exquisita antiquorum morum institutorumque notitia coniunctam, sine qua omnis omnino iurisprudentia caeca est, in primis solidae philosophiae, sine qua scientia nostra prorsus friget, praeceptis ac doctrinis, et mathematicis quoque disciplinis, quae ab humanioribus litteris vulgo quidem, sed inepte, disiunguntur, perpolitum ingenium subactumque iudicium ad artem nostram adferre debet, atque hisdemum verae eruditionis praefidiis instructus, his necessariis adcuratae doctrinae adminiculis subleuatus, dux et auctor esse poterit iuuenibus, qui iuris scientiae addiscendae caussa in academiam venerunt, praesertim cum e scholis iurisconsultorum prodeant non caussarum modo patroni ac iudices, sed etiam, qui summam rempublicam domi militiaeque in partibus sibi concreditis aliquando sint administraturi.

Quae cum ita sint, Auditores, nemo profecto mirabitur, hmaniorem ac liberaliorem iurisprudentiam in multis Germaniae academiis ad interitum inclinare,
et

et Musas mansuetiores paullatim fugere Themidem nostram, eamque solam, sine cultu, sine ornatu, tristem, miseram, squalidam atque asperam relinquere. Quotus enim quisque in rebus academicis adeo hospes est et peregrinus, qui ignoret, multos, illis, quas dixi, dotibus fere omnibus plane destitutos, docendae iurisprudentiae prouinciam proterue inuadere, qui ad quamcumque artem tradendam, et maxime ad nostram, grauissimam illam ac latissime patentem, disciplinam minus idonei, ne dicam plane inepti, omnium, qui sapiunt, iudicio existimantur; qui, velut agyrtae et circulatores, quos tempore mercatus ante portam Petrinam, ruricolarum, meretricularum, aliorumque de infima populi faece hominum caterua stipatos, nugari praetereuntes audimus, inficeta ac ridicula docendi ratione vtuntur; quorum scripta, irata Themide inuitaque Minerua crebro in publicum protrusa, si legimus, nouum plane orationis genus, quod priscis illis glossographis, Bartolis, Baldis, Accursiis, huiusque farinae aliis barbarae iurisprudentiae coryphaeis, facile dubiam reddit palmam, et heri aut nudius tertius apud Tunetanos Tripolitanosue, adeo horridum atque inconditum, et puriori latinitati adsuetis plane insolitum est, natum videtur, adtoniti obstupescimus.ⁿ⁾ Atque ipsi

n) De litterarum latinarum pericitia, iurisconsulto maxime necessaria, egregius locus occurrit in Ernesti *Memoria Io. Gottfr. Baueri,*

XVI

ipſi illi Thrasones litterarii, qui in quibusdam Germaniae
academiis, velut noui Atlantes, totius caeli iuridici ma-
chinam humeris se suis furentare sibi persuasum habent,
et

Baueri, Opuscul. Orat. p. 405. seq. quem hic adscribere operaे
preium duxi. In eo, inquit, plurimum prouisum eſt a parente,
quod filii ingenium litterarum hu-
maniorum disciplina bene subigen-
dum curauit, in primis a Crellio,
ſcholae Nicolaitanae in hac urbe
Rectore, de cuius in eo genere fe-
lici artificio superuacuum fit dicere,
et diximus alias. Et litteras in
primis latinas in illius viri disci-
plina ita didicerat, ut ex iis in
discendo iure plurimum iuuaretur,
easque ita adamauerat, ut ad ex-
tremum earum amorem conseruaret.
Nam etſi ipſe, ut fateri solebat,
tractandis iuris partibus iis diligen-
tius, quae a barbaris ortae, lati-
nitatis elegantiam non capiunt, ut
feudali, elegantiam scribendi perdi-
derat: tamen rem ipsam laudabat
et commendabat, ac negabat, fine
multis litteris latinis ius bene dici,

leges veteres a Romanis ortas recte
intelligi et explicari posse, liben-
terque utebatur consuetudine eorum,
qui earum litterarum peritiores eſ-
sent, nec male iudicabat de virtu-
tibus orationis latinae, et cuius-
que de recentioribus in eo genere
facultate. De inepto autem illo
ſcribendi genere, e ſupina lati-
narum litterarum negligentia orto,
Perizonius oratione ſupra laudata
p. 60. edit. Lugd. B. haec habet:
Quae ſtribligo, quam foeda illu-
vies obſidere debet eorum sermonem
et scripta, qui publice, vel
ſua voluntate, vel necessario, utun-
tur lingua alienigena, et ex anti-
quis ſaeculis repetenda, cuiuſtamen
non modo elegantiae aut eloquen-
tiae vel tantillum attenderunt, ſed
ne quidem ipsam didicerunt phraſin,
aut ipsam vocabulorum significatio-
nem et uſum.

et ipsa iurisprudentia prudentiores sibi esse videntur, °) de plurimis argumentis, quae illotis manibus adtrectare sustinuerunt, ita scripturiunt, vt siue integri libri, siue academicæ disputationes ab illis editae merum rus oleant, sumnumque legentibus, licet patientia satis armatis, tedium obrepat. Iam vero noui illi et subitanei iuris, si diis placet, doctores, vna dissertatione inaugurali, ex aliis misera diligentia impudenter exscripta, et intermixtis impurae et tortuosae orationis stibliginibus vtcumque defen-

o) Ventosissimos illos insolentissimosque homines, capitales reipublicae litterariae, et praecipue academiarum pestes, viuis quasi coloribus depinxit, et urbano dicendi genere omnibus irridendos exhibilandoque propinauit Puttmannus noster, Vir litteratissimus, et humanioris iurisprudentiae ornamentum, *Comment. de Thrasonismo litterario Hal. 1782.* 8. qui etiam alios de hoc genere scriptores *praef. p. 4.* et in ipso libello passum larga manu suppeditauit. In qua quidem commentatione, tamquam in speculo, imaginem suam intueri possunt

vani quidam ostentatores, et immodici ingeniali sui laudatores, qui, effronti impudentia turgidi, se solos sapere, et per ora hominum volitare, in circulis palam iactant, ceteros vero fungos esse stipitesque putant: quorum absurdæ et insulsaæ garrulitati, quæ illis in docendo familiaris est, quamvis vix plebeiae mulierculæ aures fatigandas permitterent, liberales adolescentes, nimia credulitate decepti, et quasi torrente quodam communis stupiditatis dicam, an leuitatis abrepti, excussa omni aurium elegantia, ingenia corrumpenda tradunt.

C

XVIII

defensa, 'celebritatem nominis', atque immortalem gloriam consecuti, qui vix mediocrem iuris scientiam e vulgaribus compendiis sibi adquisuerunt, variis artibus ac machinationibus optimos iuuenes pellicere, operam suam parua mercedula locare, e dictatis, partim praceptoribus suis surreptis, partim e sexcentis disputatiunculis et commentariolis misere compilatis, aliquid garrire, de usu forensi promissiones nescio quas facere, fontes iuris, quos ipse legere et interpretari, propter crassam graeci latinique sermonis ignorantiam, nequeunt, contemnere, omnemque sapientiam ad compendia reducere, memoria discipulorum definitionum ac diuisionum faragine obruere, verbo, nihil omittere, quo minus adolescentium, qui caeco quodam impetu ad tam ineptas scholas delati sunt, ingenia, ad veram sapientiam in omni vita profuturam fingenda atque informanda, irreparabili ipsorum damno, plane corrupta deleantur. Huc accedit, quod, vt pluribus documentis satis compertum habeo, in quibusdam academiis dominatur, ac veluti pestis in tenebris grassatur mysterium quoddam malitiae atque iniquitatis, cum tenebriones quidam, ad pristinam, et dudum feliciter depulsam barbariem restaurandam diis iratis nati, qui tamen tenui sua scientia apud ignobile vulgus nescio quam auctoritatem obtinuerunt, et ad quorum tribunal litterarium, quasi Minoe, Aeaco et Rhadamantho ab inferis in orbem iuridicum euocatis, obscuri

scuri terrae filii contremiscunt, quos maxime debebant nouis in academia aduenis, ad prima litterarum et iuris scientiae fundamenta rite iacienda, p[re]ae ceteris commendare, et tamquam rectissimae et tutissimae viae duces monstrare, eos ipsos occultis ac nefandis, quae lucem fugiunt, artibus deprimere, debit[us] laudibus maligne privare, eorum scholas adolescentibus, turpiusculae fraudis ignaris, quasi nihil inde ad vitam ciuilem, exercitacionemque forensem utilitatis capere possint, suspectas reddere nefarie conantur, qui denique, ne quid improbitatis desit, etiam in ipsos praecettores suos, quibus omnem suam scientiam, cuius tarda et obtusa illorum ingenia fuerunt capacia, acceptam referre debent, et e quorum institutionis fontibus arida prata sua irrigare potuerunt, abiecto omni pietatis gratique animi sensu, acerbitate et rabie furere, morsuque viperino saeuire consueuerunt. In hos tales cadit sane illud Liuii,^{p)} cum nulla, inquit, *ingenia tam prona ad inuidiam sunt, quam eorum, qui genus ac fortunam suam animis non aequant: quia virtutem et bonum alienum oderunt.* Huic malignitati quorumdam, ac perniciose optimum quemque suppressendi cavillandique consuetudini, quae tamquam infelix arbor, in bonorum perniciem, fundique nostri opprobrium scelerata manu sata, altas radices egit, maxime tribuendum

C 2

dum

p) Liuius *Lib. XXXV. c. 43.*

dum esse arbitror, quod scholae humaniorum iurisconsultorum defertae propemodum ac derelictae iacent, et, repudiatis contemptisque Cuiacii imitatoribus, et Cuiacianna formulae ac disciplinae sectatoribus,^{q)} ad Forcatulos nostrae

q) Meam de hoc contemtu sententiam candide aperui litteris ad Illustrem Iurisconsultorum Ordinem a. d. V. Iun. A. CLOCCCLXXXII. datis, quas, pluribus rationibus commotus, hoc loco integras adponendas existimavi.

„Etsi multis multorum sermonibus fatis compertum habeo, „post fata Viri Summe Reuerendi, „et Illustris, Frid. Gottl. Zoller, „complures iam, agmine quasi „facto, ad Vos confluxisse, Vo- „bisque preces ore scriptisque „exposuisse suas, meritis quem- „que suis plus minusue innixum: „nihilo tamen minus et ego no- „men quatulumcumque meum in „iis profiteri sustineo, qui, fidu- „cia doctrinae viriumque desti- „tuti, non tam arduum profes- „soris munus ambiunt, quam, „dulci futurae fortunae spe ad-

„lecti, Serenissimo Principi, Eius- „que amicis sapientissimis per hanc „opportunitatem innotescere, ac „per Vos de meliori commen- „dari cupiunt. Qui enim meus „fuit pudor, et exigua de lit- „teris qualibuscumque meis opi- „nio, cum in musei mei veluti „latebris hucusque semper deli- „tuerim, neque quidquam pu- „blici muneris umquam adpetie- „rim: ne prorsus sempiterna ob- „liuione quasi sepultus iacerem, „sed, post longam moram, diu- „turnumque silentium, tandem „aliquando in publicam lucem „prodire auderem, opportuna „huius temporis occasio, rerum- „que mearum ratio suadere vide- „bantur. Iam vero, desertis pae- „ceptorum scholis, relictisque dis- „centium subselliis, quid per „plures annos, nullis umquam „praemiis excitatus, e re acade- „mica

nostrae aetatis tam incredibiles concursus fiunt, tantoque ad plausu hebetes et rudes vulgaris et proletariae scientiae doctores cateruatim excipiuntur.

Quid porro? Auditores, quale illud esse dicam,
quod in hac litterarum luce, et in tanta optimorum
librorum abundantia, nihilo minus sunt, quibus viliora
splendeant, meliora sordeant, qui, frugibus repertis,

C 3 glan-

„mica egerim, 'non est, 'quod
„longa commemoratione, mul-
„tisque verborum ambagibus Vo-
„bis exponere instituam. Vestris
„enim in oculis, et totius acade-
„miae versatus sum, superbaque
„meritorum, si qua sunt, quae
„scio quam sint exigua, praedica-
„tio ingenio moribusque quam
„maxime aduersatur meis. Do-
„cendo iuuentutis litterarum stu-
„diosae rationibus pro virili con-
„sulere conatus sum, plus for-
„tasse, si turba saperet, vtilitatis
„praestiturus. Paucis et intelli-
„gentibus inseruire, satis fuit,
„exemplo Ioach. Camerarii, cum
„quo viro tamen me vlo modo
„comparare, sine summa arrogan-

„stia, non possem, ad animum
„mihi saepe reuocato. Scribendo
„etiam apud doctos famam quae-
„siui, eamque hoc in genere mihi
„ipse legem scripsi, ad hunc vs-
„que diem religiose seruatam, vt
„non multa, sed multum proferre
„ad laborarem, ratus, vti est, ni-
„hil esse stultius, quam scribendo
„famam perdere. In his angu-
„stis igitur meorum de re acade-
„mica meritorum finibus, nihil
„amplius a Vobis in praesenti hu-
„manissimis precibus petere au-
„deo, nisi hoc, vt splendidissimis
„aliorum celeberrimisque no-
„minibus etiam meum, licet ob-
„scurum, neque vlla claritate con-
„spicuum, beniuole addere, res-
„que

XXII

glandibus vesci malint. Iuuentutis litterarum studiosae maxime interest, praestantissimos in omni disciplinarum genere auctores, ad imbibenda prima cuiusque artis elementa, in manibus habere, hisque magistris initiari, ac sensim sensimque ad altiora praeparari, ut, si ingenii alacritas, iudicii maturitas, et diligentiae adsiduitas accesserint, e mystis aliquando epoptae efficiantur, et in ipsa doctrinarum adyta intimosque recessus immittantur. Qui vero

„que meas iis, quibus a nostro
„Indulgentissimo Principe salus
„academiarum concredita est, et
„iam atque etiam commendare
„velitis. Quibus precibus si Vos,
„vt Vesta in me beniuolentia me
„certissime sperare iubet, locum
„benigne concesseritis, satis felici-
„cem me beatumque praedicabo.“

Cumulate vero tunc Collegium Iurisconsultorum illis precibus locum concessit. Iam, quoniam his litteris ad locum quemdam Camerarii respexi, etiam hunc addere haud grauabor. Scilicet summus ille vir *Epistolarum*, quarum post ipsius obitum filii ediderunt volumina duo *Francof.* 1583. et 1595. 8. Lib. VI. Vol. I.

p. 461. ad Hieron. Wolfium ita scribit: *Ego iam dudum et nostra studia contemni; et parui fieri operas, et negligi doctrinam, aequifissimo animo fero. Nihilo tamen minus diligenter in his colendis versor, quamvis paullo post paene interitum his impendere vaticinetur noster Cyprianus quoque. Atque eos, qui non cupiant me audire, plus damni facere existimo, quam me, cuius scholas non frequentent.* De his igitur nos consolemur, ne nos afflictemus, neus animum despondeamus, secundum Plautum. Conf. Ernesti Orat. de conuersationibus eloquentiae, Opus. Orat. p. 63. seq.

vero libros classicos, et litterarum ornamenti tamquam
luminibus i distinctos e iuuenium manibus extorquent,
contra in eorum locum proletarios, et ab omni elegantia
adcurataque doctrina plane alienos substituunt, ii profecto,
ne quid grauius dicam, laudabili adolescentium discendi
cupiditati, et futurae vitae rationibus non optime consu-
lere videntur. Nam, vt est in notissimo Horatii ^{r)} ver-
siculo,

*Quo semel est imbuta recens, seruabit odorem
Testa diu.*

Itaque, cum hac nostra aetate, et in hac studiorum iuris-
prudentiae peruersitate atque corruptione aut raro, aut
numquam in ipsos iuris ciuilis fontes recitationes insti-
tuantur, quae docendi ratio apud maiores nostros fere
sola obtinuit: feligendi saltem sunt ad lectiones acade-
micas, cum insignis vtilitatis vbertate habendas, tales
libelli, qui ex fontibus hausti sint, et ad fontium puri-
tatem atque dulcedinem quam proxime accedant. Sic,
vt hoc exemplo vtar, cum ante aetatem Gribneri, quem
iam iterum honoris caussa nomino, in tradendo iure ci-
vili, secundum ordinem Institutionum pariter ac Pande-
tarum, Lud. Menkenii libros nostrates in deliciis habe-
rent: Gribnerus, quamuis necessitudinis vinculo Men-
kenio iunctus, et in munere antecessoris primarii succef-
for,

r) Horatius *Lib. I. epist. 2. v. 69.*

XXIV

sor, tamen primus fuit, qui Heineccio, cuius Elementa paullo ante in Belgio, vbi vir cultissimus tum temporis apud Frisios magna celebritate ius profitebatur, primum prodierant,^{s)} ius ciuitatis academicae in hac alma Musarum sede donaret, cuius praeclarum exemplum in animis ceterorum doctorum, crasso sub aere haud natorum, eam vim auctoritatemque habuit, vt, perspecta horum librorum praestantia atque utilitate, illud certatim imitarentur. Nostra aetate quid demum haec tropica institerit, quid, bono Heineccio proscripto et exterminato, et in quadam Bartolidarum familia iamiam obliuionis quasi tenebris sepulto,^{t)} Hellfeldianismo, siue, quod idem

s) Primas Heineccianorum Elementorum editiones excepisse deinceps plures alias non modo in Belgio, sed etiam in Germania, e Bibliothecis Iuridicis abunde constat. Hoc vnum notasse sufficiat, *Elementa Iuris Ciuitatis secundum ordinem Pandectarum* multo, quam antehac, emendatoria edita fuisse *Trai. ad Rhen. 1772. Tom. II. 8.* Quam editionem in primis commendat errorum, partim ab ipso auctore nimis festinante, partim ab operis commissorum, a viro docto, cuius modestia

nomen celari voluit, facta emendatio. Praeterea in legum atque paragraphorum numeris, et titulorum adnotationibus, perperam laudatis, plurimae menda sublatae, et leges nonnullae, ad probandas sententias necessariae, additae sunt, demtis aliis, sine causa adscriptis.

t) Gottfr. Sellius *Vindict. Method. Heinec. Trai. ad Rhen. 1734. 8.* in epilogo p. 165. Heineccium ita adloquitur: *Tuto semper contemnere perge, Illufris Heinecci, cuiuscumque generis omnia, quae forte*

idem est, barbarismo in iure ciuili aditum ad hanc nostram academiam proh pudor! patefecerit, multa proferri in medium disputarique possent, nisi et temporis angustiae, quibus circumscriptus sum, orationis cursum impedirent ac sufflaminarent, et verendum esset, ne cupidius magis, quam verius, a nobis dicta esse viderentur. Nolite tamen mihi, qui liberalissimarum artium scientia non
male

forte in posterum in celeberrimum nomen tuum protrusa experiri potueris, calumniarum exempla. Aderunt ubiuis terrarum, praefatoque aderunt magni nominis tui cultores ingenui, qui, si opus vi- sum fuerit, pro meritis statim expediant, praecipitique nouem per iugera saltu pulsent tam inutile in re litteraria fucorum genus. Quibus tamen displicant Heinecciana Elementa Iuris Ciuilis, siue propter methodum axiomaticam, siue propter alias rationes, iis adideant Io. Ortu. Westenbergii Principia Iuris, tam secundum ordinem Institutionum, quam secundum ordinem Digestorum seu Pandectarum, in usum auditorum vulgata,

et non solum a Batauis aliquoties impressa, sed etiam a Germanis typis renouata, vel Corn. van Eck Principia Iuris Ciuilis, secundum ordinem Digestorum, quorum editio quinta excusa est Trai. ad Rhen. 1724. 8. et procul dubio etiam recentior exstat. His ducibus eximiis viam praereuntibus, praeclaram, et emblematis legum fontibus, sine admixtione aliorum iurium, deductam iuris ciuilis cognitionem, etiam in foro versaturis olim frugiferam, docentes tradere, discentes percipere possunt, neque ideo opus habent ad eiusmodi libros rursus cursum flectere, qui toti sunt foedae barbariae sordibus oppleti.

D

male praeparatum pectus ad iuris disciplinam adtuli, v)
vos, omnis munditiae et elegantiae osores, et alienae
bar-

v) Cum iuuenis duodeuiginti
annorum in eo essem, vt, ho-
nesta missione ante exactum sexen-
nium a supremo senatu ecclesia-
stico impetrata, Musis Grim-
mensibus valedicerem, Io. Tob.
Krebsius, post Schwarzii ad Peni-
censes discessum, scholae pro-
vincialis Rector meritissimus, red-
dita illi, vt adhuc bene memini,
pecunia, ad emenda vtriusque
Senecae opera exempli Grøno-
viani mihi mutuo data, me per-
contatus est, quo vitae genere,
absoluto studiorum academicor-
um curriculo, deinceps essem
vñsus? Cui cum respondisse,
parentes quidem me, quem quo-
dam opinionis errore sacris litte-
ris operam daturum crederent,
muneri sacro destinasse, sed me
ipsum velle primum cauſis in
foro orandis vacare, et successu
temporis fortasse praefectum iuris
dicundi in terris Schoenburgicis
euadere: tum ille subridens, ita

vero tibi, inquit, in academia,
praeter copolas forensis iurispru-
dentiae ex Hoppio vestro, vel
Lauterbachio colligendas, et for-
mulam iudicariam memoriae in-
figendam, aut nihil aut parum
amplius discendum restat; quin
tu potius, si eo, quo apud nos
coepisti, tramite perrexeris, ali-
quando professor iuris fies. Hoc
ante hos tres et viginti annos
Krebsius futurum praedixit, et,
quod nunc vñ venit, cecinit vt
vates. Quibus autem cauſis in-
ductus optimus praceptor de me
in illa aetate tam praeclare sen-
serit, et, vt nunc euentus com-
probat, haud vanus augur fuerit,
id patet ex honorifico elogio, quo
me manu sua potestateque diu-
sum, et ad patrios lares reuerten-
tem amantissime fuit prosecutus.
Quod, non inanis gloriolae cupi-
ditate incensus, sed vt illis, qui
omnes alios ex se metiri solent,
harum tabularum fide constaret,

qui

barbariae imitatores, irasci, et date hoc iustae indignationi
meae, vt cum Horatio ^x) alta voce exclamem:

D 2

O imi-

quibus litteris in illa pulcherrima
scholae Grimanae disciplina tin-
ctus atque imbutus ad tirocinium
iuris accesserim, simulque vt piis
Manibus viri de me optime me-
riti perenne grati animi moni-
mentum poserem, hoc loco in-
tegrum exhibendum putau.

„In iuuenib⁹ indolis hone-
stae, rectique amantis indicium
„non fallax est, si in aetate adhuc
„decliui ita vitae sua, studiorum-
„que literarum rationem institu-
„unt, vt, quod officii sit, id non
„poenarum metu coacti, sed vir-
„tutis amore inuitati faciant, et
„cum voluptate, maiorique adeo
„fructu praestent, quod ex offi-
„cii, legumque ratione praestan-
„dum erat. Quo rarius autem
„iuuenes, pro leuitate animi offi-
„cii sui plerumque immemores,
„et negligentes, hac amabili vir-
„tute ornatos deprehendimus, eo
„maiori amore complectendi, ma-
„iorique laude condecorandi ii-

„sunt, in quibus generosa haec,
„et erecta animi indoles conspici-
„tur. In horum iuuenum cen-
„sum omni iure referendus est iu-
„venis ornatissimus,

CHRISTIANVS GOTTLLOB
RICHTERVS

LICHTENSTEINIO SCHOEN-
BVRGENSIS

„qui ex eo inde tempore, quo
„disciplinae nostræ, institutioni-
„que commissus est, nihil prius
„sibi, antiquiusue habendum pu-
„tauit, quam hoc, vt discipuli
„pii, probi, obsequentis, dili-
„gentis, modestique officio satis-
„faceret, et praceptorum respon-
„deret votis. Cum igitur pieta-
„tis, virtutis, omnisque hono-
„ratis fuerit studiosissimus, et
„in liberalibus artibus colendis
„perquam assiduus; non solum
„omnium praceptorum suorum
„sauorem sibi, amoremque con-
„ciliauit, sed ea etiam doctrinae
„subsi.

XXVIII

*O imitatores, seruum pecus, vt mibi saepe
Bilem, saepe iocum vestri mouere tumultus!*

Neque

„subsidia sibi comparauit, quibus
„adiutus magno cum fructu in
„academia sublimiores doctrinas
„rite percipere, suoque tempore
„republicae saluberrima officia
„praestare possit. Et in latina qui-
„dem lingua eam scribendi facul-
„tatem assecutus est, vt, si quis
„latine scriptum quid ab eo lege-
„rit, magnam ei cum Cicerone
„familiaritatem intercedere, facile
„intelligat; in graeca autem lin-
„gua profecit ita, vt paucos com-
„militonum suorum haberet pares,
„quod perquam raruin in iuuene,
„iurisprudentiae se se confecra-
„turo: nec linguae gallicae stu-
„dium neglexit. Initia autem
„disciplinarum altiorum, theolo-
„giae, logices, rhetorices, ma-
„thematices, historiaeque et fa-
„crae et profanae ita percepit,
„vt, his fundamentis rite iactis,
„in academia in colendis iis, ac-
„neuratusque percipiendis facile,

„feliciterque versari possit. Cum
„autem hic iuuenis ornatissimus
„iam sit in eo, vt, curriculum
„scholasticum emensus, stadium
„academicum ingrediatur; rem
„iustam, bonisque literis debi-
„tam facturos nos esse putauimus,
„si eum patronorum liberalitati,
„munificentiaeque diligentissime
„commendaremus. Humanissime
„igitur harum literarum lectores
„humanissimos, bonarum etiam
„literatum nomine, rogatos vo-
„lumus, vt hunc optimae spei iu-
„venem suo fauore, iuuandique
„studio amplectendum sibi arbi-
„trentur. P. P. in illustri Mol-
„dano a. d. XVII. Sept. A. R. S.
„MDCCCLXIII.“

x) Horatius *Lib. I. epift. 19.*
*v. 19. seq. vbi Guil. Baxterus haec
adnotauit: et serui et pecudes ad
alienum praescriptum viuunt; as-
nos intelligit.*

Neque hoc silentio praetermittendum esse reor, Auditores, eas institutiones, quibus ad humaniorem iurisprudentiam adolescentibus via et aditus munitur, saepe ab illis occupari, qui a litteris, quibus est ab elegantia et humanitate nomen, aut plane alieni sunt, aut quorum studia certe nondum ad maturitatem proiecta esse videantur. Quod, ne gratis dixisse videar, nulla re manifestius, quam vulgari et superficiaria historiae iurisprudentiae Romanae, in plerisque iurisconsultorum scholis, enarrandae ratione, comprobatur. Historia Romanae iurisprudentiae, ab ortu aeternae vrbis, quae maximam cultioris Europae partem etiam nunc legibus regit suis, huncque dominatum, nisi me mea penitus fallit conjectura, perpetuo exercebit, vsque ad interitum Byzantini imperii, maturae ac profundaer eruditionis, multaeque ac variae letionis hominem, qui arctissimam cum interioribus litteris familiaritatem contraxerit, requirit. Etenim primum et ante omnia praecognitam habere debet adcuratam iuris graeci, maxime Attici, notitiam, propterea quod, ut inter omnes satis constat, multa e Solonis axibus, aliorumque inclitae apud Graecos famae legumlatorum sanctionibus Romanam migrarunt. Deinde statum publicum Romanorum, sub regibus, sub consulari imperio, sub nutu arbitrioque vnius, siue gentilium superstitioni addicti, siue Christiana sacra professi, per tot saeculorum interuallum, tantasque conuersiones atque vicissitudines,

D

ex

XXX

ex ipsis rerum Romanarum graecis latinisque auctoribus ad vnguem tenere debet. Tum veteris diuersarum sectarum philosophiae praecepta, quibus vel imperatores, vel urisconsulti innutriti fuerunt, et doctorum ecclesiae varias, et saepe inter se dissidentes sententias, et praeiudicatarum opinionum auctoritates, quibus principes Christiani in republica domi forisque administranda, et legibus maximie ferundis regi se, nec raro pro libidine et mero arbitrio antistitum ciuitatis Christianae volentes duci, atque etiam nolentes trahi passi sunt, in numerato habere debet.^{y)}

Quam

y) Iurisprudentiae historicae studiosis, ad verum in his rebus acutius videndum, etiam atque etiam commendamus Ed. Gibboni egregium opus, quod inscribitur, *The History of the Decline and Fall of the Roman Empire*, cuius recentissima editio lucem vedit Lond. 1783. Voll. VI. 8. cap. XX. seqq. cui ut dignus tanto historico inter populares nostros interpres, neque in honestae vlliis librarii cauillationi obnoxius, quamprimum contingat, boni publici causa serio optamus: item scriptoris anonymi *Histoire des Révolutions, arrivées dans*

le Gouvernement, les Loix et l'Esprit humain, après la conversion de Constantin jusqu'à la chute de l'Empire d'Occident Hag. Com. 1783. 8. qui liber, ad historiae fidem magna sentiendi libertate, sed perturbato ordine scriptus, etiam in linguam germanicam translatus prodit Lips. 1784. Tom. II. 8. Quibus iungi possunt Corn. Guil. de Rhoer *Dissertationes de effectu religionis Christianae in iurisprudentiam Romanam*, quarum *Fasciculus primus Groning. 1776. 8.* in lucem exiit, altero, quod sciam, nondum subsecuto.

Quam ob rem historia ecclesiae Christianae cum fatis iurisprudentiae Romanae indiuulso nexu est coniungenda, in quam etiam singularia praeclarissimorum superioris memoriae iurisconsultorum, Iac. Gothofredi, Henr. Valesii, Iust. Henning. Boehmeri, Io. Georg. Pertschii, aliorumque merita, vel ab ipsis theologis, iure meritoque prae dicantur, sicut inter veteres illos historiae ecclesiasticae conditores Socrates, Hermias Sozomenus, et Euagrius iurisconsulti fuerunt.²⁾ Qua quidem re aut omnino neglecta, aut animo a partium studio non satis vacuo, neque a praeiudicatis opinionibus libero in subsidium vocata, vel ipse Bachius, dignissimus ceteroqui disciplinae Christianae, etiam in hoc litterarum genere fructuosissimae, alumnus, haud raro humani quid passus esse videri potest. Nolo longius progredi. Tempus enim me ac latera deficerent, si complecti oratione vellem omnia illa litterarum praesidia, et exquisitae doctrinae adiumenta, quibus non dicam perfectus, et omnibus numeris absolutus, sed probabilis modo historicae iurisprudentiae interpretes instructus ornatusque, et quam ingenti litterarum quasi flu mine inundatus necessario accedere debet ad huius rei ambitum

2) Instar omnium hic laudari meretur magnum Germanici nominis et patriae nostrae decus, Io. Matth. Schroecckhius in

der *Christlichen Kirchengeschichte*
Tom. I. p. 90. seq. et p. 147. seqq.
edit. II. Lips. 1772. 8.

bitum cum laude fructuque emetiendum. In quibus
sacris initiisque tradendis si omnes ita versarentur, vt ex
illis, quos dixi, fontibus genuinas caussas tum singularum
sanctionum, tum vniuersae legislationis, ab hoc vel illo
principe factae, paullo altius repeterent, eamque legum
philosophiam cum moribus nostris institutisque compara-
rent atque contendenterent: tum illud, nescio quid, prae-
clarum ac singulare existeret, et iuuenes, hoc tramite ad
penetralia iurisprudentiae deducti, vberrimos inde fru-
ctus, etiam in vita ciuili, et inter media fori murmura,
caperent, et academicae institutionis, tam frugiferae ac
salutaris, doctrinaeque vere aetatis ineunte collectae, cum
suauiissimo voluptatis sensu, viri senesque, semper re-
cordarentur. Sed non omnibus, qui in academiis do-
cendi munere funguntur, promiscue haec sacra patent:

Non cuiuis homini contingit adire Corinthum.

Plura de his aliisque caussis intereuntis iurispruden-
tiae humanioris dicere possemus, Auditores, si et tem-
pus, et locus paterentur. Ceterum quae dixi, non cu-
iusquam vel leuiter offendendi, nedum maligne rodendi
et vellicandi caussa, sed optimo in iurisprudentiam libera-
lem, cuius, ad manuariae artis quaestusque illiberalis for-
des fere depressae, corruptelis indoleo, animo dixi: ea
vero huc pertinent vniuersa, vt erectae indolis iuuenes,
qui ad hanc litterarum vniuersitatem, tamquam merca-
tum

tum bonarum artium, accesserunt, et, in optimo aetatis flore constituti, ardentissimis parentum votis, et bonae spei, quam patria cuiusque de fructibus studiorum in academia colligendis, domumque reportandis concepit, satisfacere satagunt, quid suarum partium sit, adhuc in tempore cogitent, et, si quos forte malus quidam abstulit in discendi studendiisque ratione error, aut caeca et inconsulta talium magistrorum, qui mixtam cum falsa opinione scientiae ignorantiam atque stultitiam, vel inter ipsas mulierculas, produnt, transuersos egit adsectatio, leniter corriganter, siue potius blande moneantur, et contra pestilentes iurisprudentiae studiis opiniones mature muniantur. Quod nequitiae magister Ouidius^{a)} de voluptatum illecebris, iuuentuti in academia praecipue fugiendis, cecinit, id longe alio sensu, seuerae in litteris proficiendi rationi adcommodatum, quotidie in ore illorum animoque versetur:

*Vtendum est aetate: cito pede labitur aetas,
Nec bona tam sequitur, quam bona prima fuit.*

Ex his autem, quae diximus, simul et illud intelligent omnes, quibus de studio iurisprudentiae sententiis adolescentes a me, doctore priuato, hucusque fuerint imbuti,
et

a) Ouidius *Lib. III. de Art. Am. v. 65. seq.*

XXXIV

et a me, antecessore in hac academia publice constituto,
si mihi operam dare, frequentioresque ad scholas meas
publicas priuatasque confluere velint, ut persona, quam
nunc sustineo, dignum est, acriori etiam studio, et ma-
iore animi contentione in posterum imbuentur.

Hanc tu, quaeso, mihi mentem perpetuo serua,
Deus Optime Maxime, cui pro tot tamque luculentis tuae
in me propitiae voluntatis ac prouidentiae singularis docu-
mentis, quibus vita mea, in hac academia tot annos trans-
acta, abundauit, hodierno die in hac concione gratias
maximas et immortales publice ago, et, dum anima spi-
rabo mea, sempiternas habebo. Quod bene ac felici-
ter mihi, huic almae studiorum meorum matri, ac stu-
diosae litterarum iuuentuti euenire iubeas, personam mihi
impositam nunc promptus alacerque suscipio, teque, mu-
nificentissimum omnium honorum largitorem, piis castis-
que precibus supplex veneror, vt mihi in omnibus mu-
neris partibus rite obeundis volens propitiusque adsis,
omnibusque meis conatibus ac studiis numen nutumque
diuinum adnuas. Tuere ac protege potenti tuo praefidio
tuae inter nos potestatis vicarium, Serenissimum Prin-
cipem Electorem, FRIDERICVM AVGVSTVM, Pa-
trem Patriae Optimum, ciuium suorum amorem ac de-
lici-

licias, vna cum Coniuge Serenissima, et Filia Dulcissima, totaque Domo Augusta, et hunc talem Principem, carissimae patriae nostrae diuinitus concessum, qui bene re publicam, qui ex utilitate omnium regit, qui hanc nostram litterarum vniuersitatem summa beneficentia fouet, qui etiam meam ipsius sortem, nouo nuper beneficio indulgentissime in me collato, hilariorem reddidit, meumque animum spe laeta recreauit, omnibus rebus, quibus principum felicitas censetur, domi forisque semper florentissimum praesta, serisque nepotibus ac pronepotibus saluum, sospitem atque in columem serua. Respice propitio numine Illustrissimos Principis Amicos, quorum consilio, prudentia, fide, vigilantia res Saxonicae stant vigentque, eosque, amplissimis maximorum de vniuersa patria meritorum praemiis ornatos cumulatosque, in publicae rei commodum, et litterarum emolumentum, diutissime conserua. Complectere fauore tuo Supremum Senatum Ecclesiasticum, firmissimum purioris religionis et libertatis Euangelicae in imperio Germanico fulcrum, cuius prouida cura pro salute ac dignitate rei academicæ et scholasticae in terris nostris excubat, Summisque hu-
 ius sacri confessus Viris laetissimos ac saluberrimos consi-
 liorum et actionum omnium successus largire, vt, te ad-
 iuuante, eam nostrae ecclesiae, quam tempus et necessi-
 tas flagitat, opem adferre possint. Serua communem
 patriam in eo pacis ac tranquillitatis statu, in quo tumet

E 2

ipse

XXXVI

ipse benignissime eam collocaſti, cuncta pericula ac mala
a finibus eius propelle, contra vero promoue ciuium con-
cordiam, vrbium celebritatem, agrorum fertilitatem,
frugum vbertatem, commerciorum florem, omnium
rerum publice priuatimque adfluentiam. Hanc autem
academiam, Saxoniae ocellum, humaniorum litterarum
ac bonae mentis sacrarium, fortunare perge, eiusque fa-
mam, quam per tot saecula in vniuerso terrarum orbe,
doctorum in omni disciplinarum genere excellentia atque
celebritate, iuuenum vndique confluentium diligentia at-
que humanitate, illibatam obtinuit, in dies magis magis-
que auge.

Nunc Te adpello, qui hoc semestri rebus nostris
cum praecipua prudentiae, grauitatis dexteritatisque laude
praeſes, Rector Academiae Magnifice, Tibique pro insigni
hoc fauoris in me Tui argumento, quod huius diei sol-
lemnitatem perhonorifica Tua praefentia illustriorem
splendidiorumque reddere voluisti, obſtrictissimum, vt
debeo, animum profiteor. Erit hic magistratus Tuus
cum Tibimet ipſi ſemper maxime memorandus, tum aca-
demiae noſtræ fauifliffimus, et candidiffima merito in fastis
noſtris nota inſigniendus, propterea quod, excelsa Principis
noſtri liberalitate atque munificentia, Rectore Mathemati-
co, exſtruetur ſpecula ad lucida caeli ſidera diligentius
curiosiusque obſeruanda, nouum Lipsiae ornementum,
mul-

multis multorum votis diu expetitum.^{b)} Hanc Tibi laudem rectoratus Tui singularem gratulor, sumnumque numen quaeſo obtestorque, vt Te ſeneſtute ab eius incommodis vacua, ſine morbo, ſine dolore, ſine vlla cauſa

E 3 que-

b) Qui hoc tempore ad almae noſtræ litterarum vniuerſitatis gubernacula ſedet, Vir Magnificus, **GEORGIVS HENRICVS BORZIUS**, Matheſeos Professor Ordinarius, et Academiae Decemuir, ſexennio abhinc auctor ſuasorque exſtitit academiae, vt in conuentu ordinum Saxonie, qui tum agebatur, Sereniffimum Ducem Elec- torem de ſpecula astronomica Lipsiae exaedificanda ſupplex adi- ret. Quas quidem preces Indul- gentiſſimus Princeps ſtati- benignis auribus audiuit, et a. d. IX. Febr. A. c15CCLXXXI. acade- miam de modo ac ratione rei perficiendae, et necessariis in illam ſumtibus desiderium ſuum clarius diligentiusque exponere inſiſit. Idem deinceps aestate eiusdem anni dupli- ci rescripto a. d. IX. Iul. et a. d. XXIV. Aug. emiſſo fuit repetitum. Arx ad Plifſam va-

lida' eſt laxaque turri munita. Haec ad molieriā caeli feruan- di ſpeculam aptiſſima iudicatur. Iam variae operis formae, et ſum- tus ad id totum abſoluendum ne- ceſſarii conſpectus exhibentur. Tandem, ſuperatis omnibus diſſi- cultatibus, remotisque impedi- mentis, deſcriptionem operis a Dauthio, peritiſſimo apud nos elegantissimoque architecto, fa- clam, et Borzio pariter atque Hindenburgio, Viro Excellentiſſimo, Physices Professori Ordinario, probatam, Sereniffimus Princeps rescripto a. d. XXIII. Octobr. A. c15CCLXXXVI. cle- mentiſſime conſirnat, et ſex mil- libus imperialium munificen- tiffiſſime erogatis, duuumuiris illis cu- ram gerentibus, Dauthio vero ar- tem praeflante, laeta nuper eius rei facta ſunt initia.

XXXVIII

querelae, stipata studiis iuuentutis, diutissime frui, multorumque annorum accessione cumulatum, et vitae gloriaeque saturum, sero redire iubeat in caelum, quod, innumerabilibus distinctum exornatumque signis et luminibus, oculis contemplari, et immensam supremi tantorum operum architecti et moderatoris potentiam et sapientiam animis admirari, sublimioris astrorum doctrinæ studiosos praeclare docuisti.

Iam vero ad Vos mea properat oratio, Collegii Iuridici Perillustris Praeses, Tuque Senior Illustris, Vosque ceteri Adseffores Excellentissimi atque Consultissimi, Patroni summa obseruantia colendi, quorum diligentissimae commendationi, et grauissimae suffragationi spartam, Sere-nissimi Principis iussu mihi mandatam, debita gratissimi animi testificatione refero acceptam. Velim illud Vobis maxime persuasum habeatis, nihil umquam prius mihi antiquiusue fore, nisi hoc, ut prouinciam publici in hac academia doctoris, quantum quidem ingenio conniti, et impigro labore, in huius corpusculi tenuitate, contendere potero, ornem, eaque me ita dignum praestem, ut Vos Vestri de me iudicii numquam poeniteat. Faxit deus immortalis, perennis aeternusque omnium bonorum fons et scaturigo, ut Vobis prosperrima quaeque atque exoptatissima nullo non tempore contingent, familiarum vero Vestrarum decus ac splendor laetius quotidie efflorescant.

Ma-

Maneat Illustre Iurisconsultorum Lipsiensium Collegium,
quod omni aetate fuit, sanctissimum in Saxonia Iustitiae
templum, ac totius Germaniae, et exterarum nationum
nobilissimum oraculum!

Vobis autem, quotquot ex omni ordine adestis, Viri
diuinae humanaeque sapientiae Consultissimi, in quibus ego
complures patronos, fautores, amicos, pietate veneror,
obseruantia prosequor, caritate complector, me deuin-
tissimum sentio, quod propensissima in me voluntate
meae religionis publice significandae testes esse, Vestraque
optatissima praesentia haec auspiciorum capiendorum sol-
lemnia condecorare voluistis. Cuius Vestræ in me hu-
manitatis, qua nihil mihi potuit accidere illustrius, me-
moriā colam beniuolentia sempiterna, Vobisque pro-
mitto ac spondeo, me quamcumque referendæ gratiae
occasionem cupidissime esse arrepturum, neque ullum
vnquam aut studii erga Vos aut officii genus intermissu-
rum. Seruet Vos deus académiae, vrbi, ecclesiae, curiae,
foro, patriae vniuersae, in publicae rei praesidium atque
ornamentum, et in Vestrorum omnium solatium et gau-
dium, ac Vesta honestissima studia atque praestantissimas
actiones largissimis praemiis remuneretur.

Ad Vos denique, Carissima mihi Pectora, Iuuenes
genere, ingenio ac virtute Praestantissimi, qua potius
in

in hoc muneris mei aditu oratione vtar, quam vt Vos omnes amantissime excitem ad excellentem liberalis doctrinae cupiditatem, et ad ea, quae optimis artibus atque disciplinis in academia sedulo excolendis, et, curriculo academico feliciter confecto, ad vsum apte transferendis, aduersantur, fugienda et procul amolienda. Nolite oculos ad prauam eorum consuetudinem flectere, qui, pestilenti quodam sidere adflati, irreparabile tempus, quod exiguo paucorum annorum spatio terminatur, pudenda ignauia ac turpi otio, rerumque ludicrarum puerili contemplatione perdunt: sed in eo potius omnes curas cogitationesue defigite, vt in hac viridi aetate ea *Vobis futurae vitae praesidia et adiumenta comparetis, quibus instructi, vbi ad vsum rerum perueneritis, suae quisque patriae utilissimam operam nauare possitis.* *Vosque in primis, qui castae Themidi tempus studiumque consecrastis, vehementer non cohortor modo, sed etiam rogo atque obsecro, ne in vulgarium compendiorum angustiis consistatis, sed ut rectam illam, quam mea *Vobis breuiter ostendit oratio, masculae et liberalis iurisprudentiae viam ineatis, et ad solidam atque ex ipsis fontibus haustam iuris doctrinam, non saltu, nec praecipiti cursu, sed continuo gradu, pervenire contendatis, atque ideo per omnia disciplinae nostrae latifundia vagari, et vniuersum eius ambitum emetiri, animoque complecti sustineatis.**

Quod si meum Vestris ratio-

ratiōnibus inserviēndi stūdium adiuuare volueritis frequentia ac beniuolentia Vestrā, habebitis sane me, in illo itinere recte instituendo, fidum vel ducem vel comitem: et, si quantum ego ad docendum, tantum Vos addiscendum diligentiae adferetis, efficere conabor, vt haud poenitendos ex mea disciplina fructus capiatis. Numen autem benignissimum precor, vt Vobis, Commilitones Optimi, ad insignem adcuratae doctrinae laudem p̄aeclara mentis contentionē grassantibus adspiret, felicissimumque studiorum academicorum successum, et digna aliquando diligentiae praemia largiatur. O felices et fortunatos iuuenes! qui studiorum sedem nacti estis Lipsiam, quae et sua ipsius pulchritudine, et prouidentia magistratus urbani, et amoenitate regionis Mūsis nostris gratissimum domicilium, et sicut modicis copiis et amplis opibus plurimas et commoditates vitae et suauitates, ita etiam egestati et inopiae tutum perfugium, et multiplex molestiarum leuamentum p̄aebet. Quapropter p̄aecipuis illis bonis, quibus haec v̄rbs, cui faueat deus, abundat, in utraquē fortuna vtimini fruimini, et quod Vobis intra illius moenia vitae academicae curriculum decurrere fortuna fautrīce contigit, in magna felicitatis Vestrāe parte ponite. Vos autem, qui, in magna discendi cupiditate, ac flagrantī litterarum amore, angustam paupertatem patimini, ac saepe, curarum mole pressi, et inter spem

F

me.

XLII

metumque dubii, de progressu atque exitu studiorum intimis sensibus angimini: nolite animum despondere, sed, fiducia in deo, his malis laetum aliquando finem certissime daturo, collocata, inactum timorem mittite, ac, tristibus licet iactati fatis,

Durate, et vosmet rebus seruate secundis.
